

- J 01 D Önnur beta-laktam sýklalyf.
- J 01 E Súlfoonamíðar og trímétóprím.
- J 01 F Makrólíðar (nema lyf í flokki J 01 FB Linkósamíðar, sem greiðist skv. 6. gr.).
- J 01 M Kínólónar.
- N 05 B Róandi lyf.
- N 05 C Svefnlyf (nema lyf í flokki N 05 CB 02, sem greiðast skv. 6. gr.).
- P Sníklalyf (nema lyf í flokki P 01 BC 01, sem greiðast skv. 6. gr. og lyf í flokki P 01 BA, sem greiðast skv. 3. gr.).

4. gr.

6. gr., 2. mgr. hljóði svo:

Með afgreiðslu (ordination) er hér átt við lyfjamagn, er svarar til 100 daga notkunar miðað við notkunarfyrrisögn læknis. Sé ávísað magn meira en nemur 100 daga notkun, ber sjúkratryggðum að greiða eitt gjald. sbr. 1. mgr., fyrir hvert 100 daga tímabil eða brot úr því. Ákvæði þessarar málsgreinar taka aðeins til lyfja til inntöku í afmældum lyfjaformum (töflur, hylki, skammtar), stungulyfja og lyfjaforma til inntöku, þar sem engin tvímæli eru um skömmtunarmagn (mixtúrur, dropar), en ekki til húðlyfja, öndunarfaralyfja né augn- og eyrnalyfja (ATC-flokkar D, R og S).

5. gr.

6. gr., 4. mgr. hljóði svo:

Lyf í ATC-flokki A 14 A (vefaukandi lyf) og V 06 D (önnur næringarlyf) skulu merkt „E, O“ í lyfjaskrá og greiðast skv. ákvæðum þessarar greinar, enda framvísi sjúkratryggður lyfjaskírteini útgefnu af Tryggingastofnun ríkisins. Ef skírteini er ekki fyrir hendi tekur Tryggingastofnun ekki þátt í greiðslu lyfsins.

6. gr.

Reglugerð þessi, sem sett er skv. lögum nr. 67/1971 um almannatryggingar ásamt síðari breytingum, öðlast gildi 1. janúar 1992.

*Heilbrigðis- og tryggingamálaráðuneytið, 19. desember 1991.*

**Sighvatur Björgvinsson.**

*Einar Magnússon.*

## SKIPULAGSSKRÁ

### Minningar- og styrktarsjóðs Guðfinnu Þorvaldsdóttur og Egils Júlíussonar.

1. gr.

Sjóðinn stofnar Jón Egill Júlíusson, fyrrverandi útgerðarmaður, frá Dalvík til minningar um eiginkonu sína, Guðfinnu Björgu Þorvaldsdóttur, frá Hrísey f. 12. febrúar 1912, d. 6. maí 1978. Sjóðurinn skal kenndur við þau hjón eins og að framan greinir. Sjóðurinn er sjálfstæð stofnun undir eigin stjórn. Aðsetur skal vera í Reykjavík.

2. gr.

Stofnfé sjóðsins var upphaflega kr. 20 385,25 - tuttugu þúsund þrjú hundruð áttatíu og fimm krónur 25/100-, en hrein eign sjóðsins um áramót 1990/1991 er kr. 1 450 065,- ein milljón fjögur hundruð og fimmtíu þúsund sextíu og fimm krónur.

Stofnfé sjóðsins má aldrei skerða, en fjármunum sjóðsins, sem honum berast með arfi, gjöf eða á annan veg, skal stjórn sjóðsins ráðstafa samkvæmt skipulagsskrá þessari nema annað sé ákveðið í erfða- eða afhendingargerningi.

3. gr.

Fjármuni sjóðsins skal ávaxta á sem hagkvæmastan hátt í verðtryggðum bankareikningum, verðbréfum, fasteignum eða á anna hátt, sem stjórn sjóðsins telur hagkvæmastan á hverjum tíma.

4. gr.

Markmið sjóðsins er að stuðla að vexti og viðgangi Dalbæjar, dvalarheimilis aldraðra á Dalvík. Stjórn sjóðsins er heimilt að ráðstafa eignum sjóðsins í samræmi við ákvæði 2. greinar og í samræmi við framanlýst markmið sjóðsins.

5. gr.

Stjórn sjóðsins skipa 3 menn. Í stjórn sjóðsins hafa setið frá upphafi þeir Jón Egill Júlíusson formaður og tveir meðstjórnendur tilnefndir af honum þeir Friðrik Þorvaldsson, Hamarsstíg 18, Akureyri og Baldur Júlíusson, Sunnubraut 17, Keflavík.

Við val stjórnar skal þess skilyrðis ávallt gætt, að í henni verði einungis ættingjar eða löglegir makar ættingja þeirra hjóna, sem sjóðurinn er kenndur við.

6. gr.

Stjórn sjóðsins velur sér jafnmarga varamenn úr þeim hópi ættmenna og/eða venslafólks, sem fyrir greinir sbr. 5. gr. Tilnefning varamanns skal samþykkt af öllum stjórnarmönnum með formlegri, staðfestri bókun, svo gild sé. Stjórnin getur breytt eða skipt um varastjórn hvenær sem hún kys.

7. gr.

Stjórn sjóðsins skal árlega gera rekstrar- og efnahagsreikning fyrir sjóðinn. Þeir skulu endurskoðaðir af löggiltum endurskoðanda.

8. gr.

Verði sjóðurinn lagður niður, skulu eignir hans renna til Dalbæjar - dvalarheimilis aldraðra á Dalvík.

9. gr.

Leita skal staðfestingar dómsmálaráðherra á skipulagsskrá þessari og hún birt í B- deild Stjórnartíðinda.

10. gr.

Skipulagsskrá þessi fyrir Minningar- og styrktarsjóð Guðfinnu Þorvaldsdóttur og Egils Júlíussonar var samþykkt á fundi stjórnar sjóðsins þann 28. febrúar 1991 og kemur í stað skipulagsskrár fyrir sjóðinn nr. 167 frá 12. febrúar 1979, að fenginni staðfestingu dómsmálaráðherra.

Skipulagsskrá þessi staðfestist hér með samkvæmt lögum um sjóði og stofnanir sem starfa samkvæmt staðfestri skipulagsskrá, nr. 19/1988.

*Dóms- og kirkjumálaráðuneytið, 23. maí 1991.*

F. h. r.

**Þorsteinn Geirsson.**

*Fanney Óskarsdóttir.*